



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

In Festo Sancti Stephani.

[urn:nbn:de:hbz:466:1-51763](#)

PRO FESTO S. STEPHANI.

CONCIO PRIMA.

Video cœlos apertos, & JEsum stantem, Actorum Textus.
cap. 7.

Prœmium sequens, animat in arduis, con-thema.
fortat in adversis, & ærumnis.

Sanctus Levita Stephanus dum traheretur ad suppli- Exordium,
cium, jam jam imbre lapidum obruendus, non est pu-
sillanimis, sed consolatissimus imbre lapidum excipit,
adeo ut de eo canat Ecclesia : *Lapides torrentis illi
dulces fuerunt. Quid dulcoravit lapides? quid S. Ste-*
phanum mediis in angustiis confortat, consolatur? dicit causalem
motivam invictus Levita : Ecce video cœlum apertum, prœmium
iutuitus est, & hoc confortavit, solabatur constantein, intrepida-
dum, patientissimum fecit. Benè scripsit Marcus Seneca Epito.
Controv. lib. 5. Controv. 1. Spes est ultimum adversarum rerum
solatum: sic videmus intrepidè pugnare militem, mille vulneri-
bus corpus, & vitam extremis exponere periculis: interrogas
quare? respondeo propter spem promotionis, & spoliorum. Ex-
perimur colonum, rusticum, vinitorem portare cum patientia
pondus diei & æstus, ob prœmium fructuum, messis, vindemiæ,
&c. Te nunc alloquor O Christiane! Militia est vita hominis,
inquit Job. c. 7. ad labores, miseras nati sumus: in sudore vultus
vesceris pane tuo, Genes. cap. 3. in his quotidianis miseriis, ut
cum S. Stephano consolatus, confortatus vivas, & perseveres, cœ-
lum alspice, prœmium, mercédem considera, & te miserum mirè
confortabit, consolabitur: fortem, indefessum, invictum reddet.

Audiatur Scriptura: *Non verearis usque ad mortem justificari, quoniam*

Scriptores. *S*niam merces Dei manet in eternum, prædicat Salomon Eccles. c.
 Patres: 18. & iterum cap. 36. *D*a mercedem sustinentibus te, ut Propheta
tui fideles inventantur. Scriptores audiaatur & Patres: *Honor*
Emanuel de
Naxera. *alit artes, suadet inaccessa tentare, & pericula honeste ffernere:*
Ildephonfia
de Padilla. *perorat Emanuel de Naxera Commentario in Judices cap. 8.v.1. §.*
9. Mutuat præsens calamitas à futura felicitate saporem, & jucun-
dum est ad mercedis intuitum, discriminis objicere: proposito enim
præmio omnia fortiter sustinentur. Ita habet Ildephonfus de Padil-
la in Habacuc Annotat. 12. cap. 3. discursu 8. Nutriunt præmo-
*rum exempla virtutes, nec quisquam est, qui non ad morum sum-*mam nitatur ascendere, quando irremuneratum non relinquitur,**
Theodoreetus, quod conscientia teste laudatur. Ita Theodoreetus apud Cassiodo-
S. Basilius. rum 2. Var. 16. Per pulchrè scribit S. Basilius homilia de Barlaam:
Pericula non respicit Martyr, coronas aspicit; plagas non horret,
sed præmia numerat; non videt lictores infernè flagellantes, sed
*Angelos letis omnibus acclamantes imaginatur, non spectat ad tem-*poralia pericula, sed ad præmiorum eternitatem.* Concludit S.*
*S. Hierony-*mus ad Demetriadem. Omne opus leve fieri solet, cum ejus**
precium cogitatur, & spes præmis solarium est laboris, ut Dei im-
plorata ope Conceptibus deducam.

CONCEPTUS I.

David in Psalmis suis saepius hunc adscribit titulum: *In finem: Cur*
recte adnectit titulum in finem; & non potius titulum tales: In
initio, in principio? Finem considerare nos David hortatur; cur finem? explico me praxi morali: Vadit quis rusticus ad messem, de-
 metere segetes, aliis in vineam, eam fodere, & excolere, messor
 initium longi Agri intuendo, Vinitor initium amplæ vineæ; Seca-
 tor lignorum, initium spatii lignorum videndo, concutitur animo,
 repetitis suspirat vicibus, videbis ergo angustiatum mercenarium,
 erecto vultu finem Agri, finem Sylvæ, finem Vineæ fixis oculis
 lustrare, & intueri; queris cur tam attente, ac fixè saepius finem,
 terminum aspiciat laboriosus colonus; Respondebit, ad animi so-
 lamen, ad mentis levamen, intuendo enim finem agri, finem vi-
 neæ, crescit spes, brevi mercedem, præmium se sumpturum, re-
 quiem,

CONCIO PRIMA.

71

quiem, ac refectionem se accepturum: Verba Davidis, *in finem*,
textus Græcus legit: *in victoriam*: Finis, mi Christiane, virtutis
tua, abstinentia, sobrietatis, castitatis, patientiae in adversis, hu-
militatis in prosperis, est certa victoria, corona, merces, præmi-
um, requies, retributio; hunc finem, victoriam, coronam, præ-
mium, &c. toties in Psalmis suis hortatur David intueri, medita-
ri, & mirum solamen animi, levamen mentis, robur, constantia,
patientia inde excrescat; pacato animo, hilari mente mundi ad-
versa, & hominum injurias, ac tyrannides perferendi. Testes tot
invicti martyres, de quibus S. Basilius homilia ad Barlaam: *Pericu-
la non respicit Martyr, coronas aspicit; plagas non horret, sed præ-
mita numerat, &c.* ut supra in exordio.

CONCEPTUS II.

Infelix Epulo mediis in flammis inferni obsecrat Abrahamum:
*Mitte Lazarum, ut intingat extremum digiti sui in aquam, & re-
frigeret linguam meam*, Luc. 16. mirandum, quod in felix hic, non
plenum scyphum, sed unam tantum guttulam petat? quid per hanc
guttam intelligendum est? dicit intelligentiam S. Gregorius Nyssen-
nus discursu de resurrectione animæ; nempè per unam guttam
minimum quid cœlestis gloriae, mercedis, præmii, & dulcedinis,
divitem Epsilonem anhelasse; quasi certus, daretur ei spes obtine-
re & guttam unam cœlestis præmii, &c. & inexplicabiles inferni
cruciatus ei dulces redderet: si nunc minima spes præmii cœlestis,
& damnatum redderet in inferni tormentis consolatum: quomo-
do spes præmii, mercedis, gloriae æternæ, quam repromisit DEUS
omnibus diligentibus se, non consolabitur hominem viatorem me-
diis in miseriis, & tribulationibus hujus mundi, Psalmista attestan-
te in æternitate felici non una gutta gloriae, sed torrente felicita-
tum saturandos. *Inebriabuntur ab ubertate domus tua, & torrente
voluptatis tue potabis eos*, Psal. 35. Desuper dulciter scribit S. Augu-
stinus in soliloquii cap. 32. *Tua dulcedo Stephano lapides torrentis
dulcoravit: Beato Laurentio oraticulam dulcem fecit*: Pro hac
emenda Bartolomeus pellem dedit: *Hanc verò ut austavir Petrus,
omnium inferiorum oblitus, clamavit quasi ebrios, dicens: Domine,
bonum est hic nos effi!*

CON-

CONCEPTUS III.

Filiī Israel Psalmo 136. canunt, & fatentur : *Super flumina Babylonis sedimus.* Sedere juxta fluvios in viridi gramine , usus habet, & perjucundum est; aſt super fluxas fluvii alicujus undas federe, vix practicabile, imò impossibile videtur : quid ergo mysterii indicare voluit David, dicendo : Filios Israēl super flumina Babylonis sedisse quid per flumen, & quid per li sedere intelligendum? Nysſenus per flumen intelligit mundi inconstantiam , & graves mundi misérias, ac onera; sedere, communi adagio, est, contentum vivere : benē ſedet ; id est: consolatus, contentus vivit. Quod ergo David dicat, filios Israēl super flumina ſedisse, indicare voluit, in mundi miseriis, ſervitute Babylonica, consolatos vixiſſe, æquo animo tribulationes à gentilibus tolleræſſe. Quæſtio nunc eſt, quid Judæos in ſumma re- rum mutatione: ſervitute tyrannica, conſolabatur? Dicunt ipſimē in contextu Psalmi citati: *Super flumina Babylonis ſedimus; dum recordaremur tui Sion.* Sion, idem quod cœli Patria, æternæ felicitatis gaudia. Per pulchrè ad ſcopum Cassianus Abbas in citatum Psalmum : *Nimis dulcis eſt recordatio Patriæ, que in hostili terra probatur: nam quanrō hæc amara ſenit, tanto fit illa ſuavior.* Indicavit hoc ter optimus DEUS Ezechieli.

CONCEPTUS IV.

Durissima quæque perpeſti ſunt Israelitæ, miſertus eorum Eze- chiel Deum precatur, conſolari afflitos dignaretur; ecce tibi o- cius rapitur Ezechiel in montem altum: Cœlum instar elegantissi- mæ Urbis, cuius pavimentum auro ſtratum, portæ gemmis exor- natae erant, videndum Ezechieli exhibetur, hoc imperio adjecto: *Oſtende domui Israēl domum, & viſionem illius, & diſpoſitionem ejus.* Ezech. cap. 43. & quid inde eveniet, ſi Propheta Israeli popu- lo cœli elegantiam, gaudiorum abundantiam deſcripferit? eveniet mira cordis conſolatio, quā perfuſi, duriflma quæque pacate patientur: *Et iſi ſuſtinebunt tormentum ſuum.* Conſolatiffime Augustinus in Psal. 39. *Si viſ ſuſtinere laborem, attende mercedem, nam operarius in via deſiceret, niſi attenderet, quid accepturus iſet:* & S. Chrysostomus in Psal. 21. *Nihil eorum, que gravia ſunt, gra- ve aliiquid exiſtimat, qui cœleſtia recogitat.* Testis natu minimus Machabæorum Martyrum.

CON-

CONCEPTUS V.

Viderat natu junior Machabæus: sex fratres suos crudeli morte interimi; non terretur; Antiochus Rex ipsèmet suavissimis verbis, & thesauros, & honores promittit, non movetur, ad unguem à Patriis legibus discedere, constantissimè impavidè ferro collum, corpus totum tormentis, heroica hac voce offert: *Quem sustinetis? non obedio præcepto Regis, sed præcepto legis, quæ data est nobis per Moysen.* 2. Machab. 7. Quæro ego, quid puerum inermem, tam generosum constanter fecit, ut tormenta non horrens, mortem minimè expavescens, intrepidè membra sua torquenda carnifici tradiderit? fecit vivida cœlestis Patriæ recordatio, ut patet ex hortatoriis Matris: *Pero nate, ut afficias ad cœlum, & ita siet, ut non timeas carnificem istum.* Secutus piam Matris doctrinam, cœlum aspexit, cœlestia cogitavit, & horrida Tyranni tormenta non timuit, non expavit; sed ut candidus cygnus, hilari voce; canendo, inter tempestuosos adversitatum, ac cruciatum ventos, suaviter exspiravit. Verissimè Sanctus Chrysostomus: *Nihil eorum, quæ gravia sunt, grave aliquid existimat, qui cœlestia recognitat.*

CONCEPTUS VI.

De Josepho ab Arimathia testatur Joannes cap. 19. *Erat discipulus JESU, occultus autem propter metum Iudeorum.* Marcus cap. 15. inquit: *Joseph ab Arimathia nobilis decurio, audacter introivit ad Pilatum, & petiit corpus JESU:* Quid fecit, quod omnis Iudeorum Tyrannis ac persecutio, non curetur, non horreatur amplius à Josepho, qui olim occultus, nunc apertus discipulus Christi, in arenam prodeat, & bona mundi perdere, & vitam prodigere? causalem subnectit S. Evangelista Marcus: *Et ipse erat expectans Regnum DEI.* Eleganter desuper S. Hieronymus: *Certe nullus labor est datus, quo gloria eternitatis acquiritur.*

CONCEPTUS VII.

In glorioſa transfiguratione narrat Matthæus Evang. Christi vetes candorem niveum induisse: *Vestimenta autem ejus facta sunt alba*

K

alba

alba sicut nix : juxta mentem S. Chrysostomi, Hilarii , Euthimi facta est haec Christi Transfiguratio ad solarium Apostolorum, ut memores ejusdem viæ gloriae, intrépidè crucis & tormenta carnicium sustinérerent : conformiter verbis S. Pauli ad Hebr. cap. 6.
Fortissimum solarium habemus, quo confugimus ad tenetam propositam spem, quam sicut anchoram habemus anima tutam, ac firmam, & incidentem usque ad interiora velamina: admitto lubens mentem , & intelligentiam Patrum, unum est cuius miror, cur vestimenta Christi facta sint sicut nix alba; cur recte frigidæ nivis fit mentio, & comparatio? cum & flos arborum , narcissus & lilyum, candorem præferant eximum? Non flori, narcissi aut lilo, sed Nivi candidæ in transfiguratione vestris Christi similis facta est; indubie hanc ob rationem: nix ad solis radios liquefecit, deperditur ita ad radios solis , æternæ gloriae considerationem, omnis nix, & frigus temporalium misericordiarum, & tribulationum è corde fidelis Christiani deperditur, evanescit, ut cuncta adversa, sapida; imo ipsa horribilis mors placida, ac suavis fiat. Testem produco ipsum Christum Salvatorem nostrum; ac magnum mundi Apostolum S. Paulum.

CONCEPTUS VIII.

Venerant ad Philippum Gentiles supplici hâc: *Domine volumus JEsum videre*: Philippus dicit Andreæ: ambo verò dixerunt JEsus intellecto hoc nuncio quod gentes veniant suavissimum JEsum videre, inquit Christus: *Nunc anima mea turbata est*: Turbari, pati est: quod gentes veniant JEsum videre; JEsus non turbari , tristari, angri, aut pati, sed latari, & gaudere ansam habet ; cur ergo turbatur; quasi pati aspirat , mori desiderat ? advertit doctissimus Cardinalis Toletus, inde quod gentes iam jam in Christum credituræ advenerant, gloria cœlestis fructus Christo crevisse; hos ergo suavissimos fructus gloriae Christus prægustans ; in verba aspirantia prorupit: *Nunc anima mea turbata est* citius, ante præfinitum tempus, crucem & mortem exoptans sustinere: conformiter Verbis magni Pauli ad Hebræos cap. 12. *Proposito sibi gaudio justinuit cruce, confusione contempnia*.

CON.

CONCEPTUS IX.

S. Paulus 2. ad Corinth. cap. 1. & cap. 11. miserias & tribulationes, quas perpeccus est, magnas & supra modum fuisse dicit. Non enim volumus vos ignorare fratres de Tribulatione nostra, que facta est in Asia, quoniam supra modum gravata sumus, super virtutem, ita ut taderet nos etiam vivere. Et iterum cap. 11. in laboribus plurimis in carcerebus abundantius, & supra modum, &c. Dicit nunc S. Paulus 2. ad Cor. cap. 4. Id enim quod in presenti est momentaneum, & leve, tribulationis nostra: notare libeat: quod superius dicit Paulus, grave, supra modum; nunc dicit momentaneum, & leve, quid quæso momentaneum, leve, & exiguum fecit? Subdit immediate Sanctus: Non contemplabitur nobis qua videntur; sed ea, qua non videntur. Cœli gaudia imaginatus est sibi S. Paulus, hæc intuita Oculo mentis: omnia gravia fecit levia; & momentanea. Probatum cum ergo sit præmium sequens mirè, animare, solari in adversis, hinc

Hortor cum S. Cypriano libro de mortalitate: Nostram Patriam Epilogus.
Paradisum computamus: Quid non properamus, ac currimus, ut Patriam nostram videre possimus? illuc Martyrum innumerabilis populus ob certaminis & passionis victoriæ coronatus; ad hec fratres charissimi avida cupiditate properemus, ut cum his citò esse, & citò ad Christum venire contingat, optemus.

Amen.



K 2 IN



IN FESTO S. STEPHANI. CONCIO SECUNDA.

Textus. ***Et JESUM stantem, Acto. cap. 7.***

Thema. In arduis, & summis necessitatibus, vel maximè adest, & juvat DEUS.

*Concionis
Exordium.*

Sanctus Levita Stephanus vidit IESum stantem; in Symbolo profitemur JESUM sedere ad dexteram Patris in cœlesti gloria; Stephanus in cœli gloria non sedentem, sed stantem IESum intuetur: ***Et IESUM stantem.*** Quid mysterii nobis indicatur, quod IESum stantem Stephanus viderit? S. Augustinus nos instruit, in Psalmum 109. scribens: ***Stare officium Advocati, & adjuvantis est.*** Et S. Gregorius hom. 9. in Evang. Sedere judicantis est: ***stare verò adjuvantis.*** In Summo confitu, in extrema necessitate positus erat Stephanus, ab omni homine desertus; à Synagoga, ad mortem usque persecutus, in extremis, stantem IESum Stephanus intuetur. Stantem dico: id est adjuvantem: Discamus pro consolatione nostra: in arduis, in summis necessitatibus; vel maximè adest, adstat, adjuvat ter Optimus Deus. Patet assumptum Thematis, tum S. Scripturæ textibus, ac SS. Patrum testimonii. Audiantur: ***Juxta est Dominus tis, qui tribulato sunt corde. Psal. 33. Si moram fecerit, expecta eum, quia veniens veniet, & non tardabit.*** Habacuc. cap. 2. ***Cum serò esset, venit. Joan. cap. 20. Ibi præsto est Dei auxilium, ubi sumnum aderit periculum.*** Fernandez: ***Imminentibus periculis est Deus propugnator servis suis.*** Origenes hom. 9. in lib. Num. ***Cum humana possessio deficit, possessio divina potentia adest.*** Padilla in Habac. cap. 3. disc. 15. ***Hoc proprium divinitatis est, succurrere in casibus desperatis.*** S. Cy-

*Textus Sa-
cra Scriptu-
re.*

*Patres:
Fernandez.
Origenes.
Padilla.*

S. Cyprianus in PL. 26. *Famulos suos tunc magis respicit Deus, cum S. Cyprianus, injuste eos nequitia persequentis affligit.* S. Gregorius lib. 2. moral. 12. *Quando apud homines desperatum est, tunc potentiam & sapientiam suam Deus declarat.* S. Chrysostomus in cap. 12. Genes. Et iterum in epist. ad Cyriacum: *Habet hanc consuetudinem Deus, ut succurrat, quando res est ad ultimum reducta.* Divina ope implorata desuper Conceptus pandam.

CONCEPTUS I.

Exodi cap. 4. jubet Deus Moysi, Virgam suam prodigiosam in terram projiceret, quæ Virga in terram projecta, quia in terrificum serpentem mutata esset, horrens Moyses fugere cogitat: ast jubet Deus persisteret, & serpentem caudâ apprehenderet. *Ex tende manum tuam, & apprehende caudam ejus.* Cur jubet Deus apprehendere caudam, & non potius caput? Baëza lib. 2. de David, per caudam serpentis intelligit finem, seu ultimum fatalem terminum, cuiusdam casus miseri, & desperati; non caput, sed caudam serpentis Deus jubet Moysen apprehendere, indicans: ad finem, ad terminum ultimum, & fatalem, dum r̄s nostræ deducuntur, honor, fama, & vita periclitatur, casus perdit, desperati habentur, tunc vel maximè juvare, patrocinari, assistere ter optimum Deum. Expertus est Moyses hoc saepius.

CONCEPTUS II.

Exodi cap. 14. legitur demandasse Deum Moysi, filios Israel educat ex servitute Ægypti in terram promissionis: egressos Iudeos insequitur Rex Pharaon cum ingenti exercitu & castra Iudeorum offendit ad mare rubrum inter Magdalem & Beelsephon; si nunc omnia bene perscruter, invenio Iudeos in summo periculo, & extrema necessitate totius interitus constrictos fuisse; à fronte flat mare rubrum; in hoc se immittere, eit se submergere; à tergo armatus insequitur hostis; hunc expectare &

K. 3

cum

cum hoc configere , manifestus est Israelitarum interitus , mors & exitium ; ad dextram rupes Beelséphon , ad lèvam , arida montana Magdalum prostant ; ad hæc fugere , se salvare , idem est , ac velle fame ac siti se interficere ; undique ergo filiis Israël patet interitus , casus desperatus , extrema necessitas : Annè è tam manifesto mortis periculo , in tam extrema necessitate , filios Israel Deus juvit , liberavit ? juvit , liberavit , omnino ; sacro textu testante : *Jam advenerat vigilia matutina , quando ecce respiciens Dominus supra castra Ægyptiorum per columnam ignis & nubis interfecit exercitum eorum.* Per vigiliam matutinam Tirinus quartam noctis vigiliam intelligit , notare libeat : in quartam noctem Deus Judæos in extrema necessitate constrictos reliquit : ex qua mora factum est , ut ex continuo itinere , & cita fuga vires corporum ad deliquium deficerent , animi , ex terrore panico , ad mortem confrangerentur : Sicque necessitas de momento in momentum cumularetur , & accresceret ; & tunc Primò in vigilia matutina , in quarta vigilia noctis , cum quasi jam jam Judæorum res desperata videretur , adjuvit eos Deus , mittens nubem , quæ versus Ægyptios tenebras faceret , quo minus ab Ægyptiis Judæi videbri , & comprehendendi possent , versus Israelitas verò lumen & splendorem ederet , quo expeditius per medium maris rubri , quod mare , Deus una nocte vento urente exsiccavit , Judæi transirent , & se salvarent : *Et ingressi sunt filii Israël per medium siccii maris.* Desuper Lippomannus : *Docemur sperare in Dominum , veniens veniet Dominus liberabisque suos :* Et Origenes hom.9. in Num. *Imminentibus periculis sit ipse propugnator servis suis.* Testis sit Jacob & Daniel .

CONCEPTUS III.

Jacobo obviam venit iratus frater Esau , hostiliter viris armatis stipatus , Jacob nonnisi pastoricum numerabat famulicium ; in tam manifesto periculo pius Jacob ad preces confugit , auxilium è cœlo flagitat ; adest precanti divinus genius , opem promittit .

mittit, *Si contra Deum fortis fuisti, quanto magis contra homines prævalebis, &c.* & benedixit ei in eodem Loco. Genef. cap. 32. in lignum: *lentigit nervum femoris ejus, & statim emarcuit.* Deus super quis non miretur: Angelus promittens Jacob opem divinam præstiturum, Jacobum claudum facit, si claudus fuisset Jacob, sperabam quia Angelus eum rectum, ac validum efficeret, sic enim aptior foret Jacob ad pugnam, & resistendum, vel in casum ad fugiendum; claudus Jacob certe ineptus ad fugam, invalidus ad pugnam factus est: Quomodo ergo verificabuntur verba, & promissa Angeli: *Si contra Deum fortis fuisti, quanto magis contra homines prævalebis.* Libeat advertere: Jacob claudus effectus in majori periculo, in majori necessitate constrictus erat: promittens Deus juvare Jacob contra Esau; eod devenire permittit. Ut agnoscamus, tunc vel maximè Deum benedicere, adjuvare, patrocinari, quando res nostræ ad ultimum sunt redactæ; quando humanitus est desperatum, tunc divinum quam celerimè, & clementissimè reflorescit auxilium: ita vult glossa: *Clodus effectus est, ne foris timeat fratrem, quia babet hanc consuetudinem Deum, ut succurrat in casibus desperatis.*

CONCEPTUS IV.

Daniel Propheta 6. diebus incibatus inter Leones sedet famelicus: *Miserunt eum in lacum Leonum, & erat ibi diebus sex.* Danielis cap. 14. Septimo primum die misit Deus per Hab. euc Danieli cibum: Cur demum sexto, vel septimo die pavit fanum elicum? Et cur non succurrerit tertia vel quarta statim die? ex Philosophia Vallesii disco: Sex diebus sine omni cibo & potu vivere, hominem in summum vitae periculum exponi; uti Rex ipse in pastum sex diebus Deinelem quasi jam mortuum lugebat: Scriptura teste: *Venit ergo Rex die septimo, ut lugeret Daniel.* Sexto, vel septimo ergo die, die inquam extremo, & fatali, & jam jam de vita desperato, cibo Danieli Deus succurrit; agnoscamus; in necessitate, in casibus desperatis vel maximè Deum adjuvarè, & succurrere.

CON-

CONCEPTUS V.

Mitissimus J E S U S miraculosè succurrit discipulis navigantibus, dum maris procellas imperio suo sedat, & tranquillat. *Imperavit ventis & mari, & facta est tranquillitas magna.* Matth. cap. 8. Petro super maris undas gradienti adest insperato Christus, & amicabilem porrigit dexteram. *Jesu extendens manum apprehendit eum:* Matth. cap. 14. Queritis in quali statu constitutifuerint Apostoli in navicula congregati? dum Christi imperium, in ventos, & undas experti sunt: Item qualiter se Petrus habuerit, dum dextera Christi mulcetur? Respondeo quæstioni: Apostoli in navi, in extremis vita periculis versabantur: *Et ecce motus magnus factus est in mari: ita ut navicula operiretur fluctibus, &c. Domine salva nos, perimus.* Tunc surgens imperavit ventis & mari &c. natare libeat, *Tunc*, in extremis periculis, tunc, quando res cum homine est ad ultimum reducta; tunc, quando impetuosi fluctus tentationum, persecutionum, tribulationum & misericordiarum hominem quasi operire videntur, tunc vel maxime Deus imperat, succurrit, adjuvat, tranquillum facit. Petrus super undas gradiens in extrema necessitate positus erat: *cum cœpisset mergi, &c. continuò Jesus extendens manum apprehendit eum.* Iterum notare libeat verbum *continuò*, quod idem est ac statim, celeriter sine mora interposita; discamus iterum: tempore extremæ necessitatis & periculi, continuò & Deum auxiliatricem extendere manum; opem ferre, quod Christus indicavit in Cana Galilea.

CONCEPTUS VI.

Patrocinanti almae Virgini: *Vinum non habent: Joan. cap. 2. respondet inlytus Mariæ filius: Quid miki & tibi mulier? nondum venit hora mea.* Quomodo? an non omnis hora & tempus in tua est potestate? quæ ergo propriæ hora Dei est? respondet Garsias in Evangel. dist. 132. est hora extremæ necessitatis, summi periculi & indigentiae; hora necessitatis, tempus est divino auxilio, & su-

succursui convenientissimum ; dum exulat humanum auxilium , in promptu est divinum adjutorium. Habet hanc consuetudinem D E U S , ut succurrat , quando res est ad ultimum redacta.

Hortor ergo cum S. Joanne quemvis Christianum : *Charissi. Epilogus.*
mi, si cor nostrum non reprehenderit nos, fiduciam habeamus
ad DEUM, & quidquid petierimus, accipiemus : cap. 5. testan-
te, & subscribente Psalmista Regio : Clamaverunt justi, &
Dominus exaudivit eos, & de omnibus tribula-
tionibus eorum liberavit eos. Psal-
mo 33. Amen.



L

PRO



PRO FESTO S. STEPHANI.

CONCIO TERTIA.

Textus. Video cœlos apertos , & JESUM stantem. Acto-
rum cap. 7.

Theme. Quos Deus asperius tractat , subsecente
gratia remunerat.

Exordium.



Linius de Trajano Imperatore scribit : quod hujus Im-
peratoris severior vultus, verba asperiora, imò planè
verbera, prognosticum, & indicium erant futuri bene-
ficii, & gratiæ; unde famulantes, Trajani vultum aspe-
rum, verba rauca exoptabant, quasi jam certi de gratia

Isaie 46.

*Scripture
Textus.*

Scriptores.

Naxera.

De Padilla.

Tertullianus

subsecente : Ita cum Deo se res habet ; quos rigidius tractat , lenius
habebit imposterum ; asper submittit mitiora : Audiamus desuper
Scripturam : Isa. 46. inquit Deus : Prope feci iustitiam meam, non elon-
gabitur , & salus mea non morabitur. Deus cum iratu fuerit, miseri-
cordia recordaberis. Ps. 59. Quos amo; arguo, inquit Æterna Veritas
Apocal. cap. 3. & Prov. cap. 3. Quem dilit Dominus, corripit. Au-
diantur Scriptores : Prudentis correptione, legissima amoris progenies
est : Ulceri medicamentum adhibere, precipito obstatulum correptionis
opponere, ejus est, qui benevolè odit , & amanter affigit. Scribit
Emanuel de Naxera Commentario in Judices cap. 15. n. 1. §. 5.
Verba severitate plena , & qua minacem iustitiam presagunt,
præambula sunt clementiae signa ; que vindicis iræ instrumenta pu-
tantur , profusionis clementiae Propheta sunt. Ita eleganter Ilde-
phonfus de Padilla. Annot. in Habacuc. cap. 3. n. 2. disc. 12. Per-
versitas quam putas, ratio est, quod savitiam existimas, gratia est.
Ita Tertullianus in Scorp. cap. 4. Durè objurgat Dominus, quos in-
tendit consolari , ut sias correptionem Domini, signum esse appro-
pinquam

pinquantis gratie. Oleaster in cap. 3. Jonæ. Divinâ ope imploratâ Oleaster.
desuper Conceptus dabo.

CONCEPTUS I.

Genesis cap. 42. 43. & 44. Joseph Prorex Ægypti *ad fratres suos, quasi ad alienos, durius loquebatur*: Exorta magna fame, misit Jacob filios suos in Ægyptum frumentum coëmtere; primo intuitu agnovit Joseph, hos viros esse fratres suos; & commota sunt visceræ Joseph super fratres, ut eis benefaceret: priusquam autem benefecisset, & eos gratiis affecisset, durissime habuit tam verbo, quam opere, & in re, eos vexando, & mortificando. Audiamus verba aspera, dura, & ignominiosa: *Exploratores estis: ut videatis infirmiora terra venitis, &c.* Eritis in vinculis donec probentur qua dixistis, utrum vera, an falsa sit: Genes. 42. Verbis his durissimis subsecuta est incarceratio: *Tradidit ergo illos custodie tribus diebus.* Abeuntibus fratribus, & è custodia, ac carcere dimissis, utrò vexat, & mortificat illos Joseph: pecuniam pro frumento, & sciphum, ex quo Joseph bibere consueverat, saccis illorum clam imponi demandat; ac ut fures, & nequam in itinere eos detineri, ac reduci facit. Hisque mortificationibus, vexationibus, amaras ex oculis suorum fratrum elicuit lachrymas; contristavit cor, & mentes eorum. Cur quæsò adeò exercet, vexat, mortificat fratres suos Josephus? benefacere intendit, præmittit ergo tentationes, & mortifications; exhilarare cupit eos, præmitit anxietates, tristitias; ad ita tribulatos, mortificatos, dure, & asperè habitos, tandem inquit: *Ego sum Joseph frater vester, &c. venite ad me, & ego dabo vobis omnia bona Ægypti, ut comedatis medullam terræ.* Genes. 45. uti Joseph cum fratribus suis fecit; sic Deus facit nobiscum hominibus: Verba amara, dura, & aspera quandoque eructat, severitatem demonstrat, & munificentiam profusorem præstat, tristia lœtis compensat. Amara dulcibus lenit; tangit adversis, & prosperis subdit demulcit: Videamus hoc in Agar.

L 2

CON-

CONCEPTUS II.

Fugerat à Dominâ sua Sarâ, petulans ancilla Agar : proficisci enti obviat Angelus Domini, & Agar imperat: *Revertere ad Dominam tuam, & humiliare sub manu illius*: Genes. cap. 16. protervæ, superbæ, ac insultanti foeminae Agar, vix aliquid magis odiosum, contrarium, ac sibi minus placitum, dici potuit ; quām : *Revertere ad Dominam tuam, & humiliare sub manu illius*. Nullus dubito, Agar reverti ad Dominam, servitutem maximam, & onus importabile existimaverit, hinc tristis, ac dolens, in lachrymas, & lamenta erupuerit. Quid Angelus ad tam tristem ac conlernatam? socius leta, ac jucunda, placita, & prospera intimat : *Multiplicans multiplicabo semen tuum, & non numerabitur præ multitudine*. Eleganter desuper S. Cajetanus : *Hoc enim officium D E I est, & in persona D E I Angelus dixit : Adjunxit siquidem tristibus leta, adjunxit concupita, multiplicabo semen tuum*. Adversa sunt : infirmitas, persecutio, &c. humiliare, patere, mi Christiane, sequentur à misericordissima manu DEI tandem meliora, prospera, & consolatoria. Figuram habemus Isaïæ cap. 10,

CONCEPTUS III.

Hic comminatur D E I S Judæis iratum vñ : *Vñ Assur Virga furoris mei!* per Assur figurabatur Rex Assyriorum, qui venit armatâ manu, Judæos è deliciis patriæ, in servitutem durissimam, & captivitatem Babylonie transvexit. Vix hæc comminatoria protulit Propheta, iteratò demandatur à benignissimo D E O , nunciet Judæis : *Egredietur Virga de radice Jesse, & flos de radice ejus ascendet*. Isaïæ cap. 11. Per Virgam Jesse expositores Beatissimam Virginem MARIAM, per florem, filium D E I unigenitum J E S U M C H R I S T U M intelligunt : *Quid est Virga Jesse M A R I A, nisi communis omnium creaturarum Mater Misericordia, Quid est flos hujus Virginis C H R I S T U S J E S U S, nisi fons omnis gratiæ?* Furori iræ,

Ira, indignationi, severitati optimus Deus immediate subjungit Misericordiam, & gratiam. Discamus hinc, hortatur concinnè doctissimus de Padilla superius citatus: *Dei verba minas spirantia, & qua severitatem erulant, Prophetæ sunt pietatis, & quo plus ira mandavit, eo magis redundat clementia.* Testis fit mulier Cananæa Matth. cap. 15.

CONCEPTUS IV.

Instanter salutem filiæ à dæmonе vexatæ, postulabat mulier illa Cananæa, quam Christus acerbè excipit, & virulentis verbis repellit, *Non est bonum sumere panem filiorum, & mittere canibus.* Quid ad hæc mulier, an fors confusa recedit? minimè, consolata, confusa persistit: *Etsam Domine: inquiens, etiam: bona spes, impetratio-*nis, acquisitionis, remunerationis consequentia est, ut scribit Sanctus Chrysologus serm. 53. sperat ergo mulier, se, quod petit, acceptu-ram, unde queso concludit hæc mulier, se, quod petit, impetraturam, gratia donaturam fore: *etiam Domine.* &c. Basilijus de Seleucia Ora-ti. 20. in persona Cananea respondet: *contumeliam, teneo curatio-*nis pignus. Asperè me tractat Christus, ergo dignabitur curare fi-liam meam, dure me habet, ergo exaudiet, ergo medebitur Deus, optima in schola Christiana est consequentia; placet desuper exemplaria intueri.

CONCEPTUS V.

Durè habuit Deus Jobum: permittendo fieri mendicabulum in fimo: *testa saniem radebat, sedens in sterquilino.* Job cap. 2. Aspe-re tractavit Deus Tobiam cœcitate percutiendo: *Ex nido hirun-dinum dormienti illi calida stercora inciderunt super oculos ejus, fie-retq; caecus.* Tobiæ 2. Rigidè tractavit Deus Susannam, permitten-do, ut adultera ad rogum cremanda deduceretur. *Condemnave-*runt eam ad mortem Danielis cap. 13. Christus in nova lege torvo vultu increpat Petrum: *Vade post me Sathanas, scandalum es mihi.* Matth. cap. 16. Iratè objicit discipulis euntibus in Emaus: *O stulti &* tardicorde. Lucæ 24. His duris, arduis, asperis, submisit Deus blan-dæ, mitia, suavia. Jobum mendicum fecit duplo ditiorem: *Addidit Dominus omnia, quecumque fuerant Job, duplicita.* Job 42. Tobiam

L 3

cœcum,

cœcum, fecit videre filium amantissimum, ac felicissimum. *Ecce ego video filium meum Tobiam:* cap.9. Susannam restituit in integrum. *Salvatus est sanguis innocius, non est inventa in ea res turpis.* cap. 13. in Proximo dignus fit Petrus in carne mortali videre clarificatum Dei filium. *Clarificatus est ante eos Matth.* cap.17. Illuminatissimi, & in charitate flagrantissimi facti sunt discipuli illi. *Aperi sunt Oculi eorum, & cognoverunt eum.* Nonne cor nostrum ardens erat in nobis. &c. Sic ludit æterna bonitas cum filiis hominum; asperis submittit blanda, duris delicata; noverat hoc eximiè pientissima Virgo Mater.

CONCEPTUS VI.

Pientissima Virgo MARIA in nuptiis Canæ in Galilæa advertens penuriam Vini; suavissimè interpellat suum dilectum filium; *Vinum non habent:* Joan. cap.2. an fors filius gratioſo vultu, blando sermone annuit? asperè respondet: *Quid mihi & tibi mulier?* plus dengat, quām annuit: & tamen Virgo Deipara, quasi jam certa de gratia impetrata, mandat famulantibus domūs: *Dicit ministris, quod cung, dixerit vobis facite:* Confidit indubia de miraculo: Unde confidit? audivit pia Mater verbum illud asperum, *Mulier;* exinde concludit, faciet, annuet, dignabitur,

Epilogus.

DEI enim insuavia verba, miserentis portant Mysterium; praesens verborum acerbitas, Propheta est subsequendæ pietatis; nam supplicia semper clementiâ compensat; & reciprocatur cum justitiâ misericordiam. Amen.



PRO